



I CONCURSO DE FOTOGRAFÍAS “FIESTRAS DE NADAL”

BASES DO CONCURSO

1.- FINALIDADE

A finalidade deste concurso é crear positividade a través da visibilidade do traballo en familia para decorar as fiestras das súas casas en tempo de Nadal.

A decoración en tempos de Nadal é diferente nas culturas dos distintos países do mundo. Dentro da intención de dar a coñecer as tradicións dos “Nadales do Mundo”, queremos dar visibilidade en Galicia en xeral, e en Santa Comba en particular, a unha tradición do Nadal dun país, Suiza, onde moita xente e familias xalleiras viviron e se enriqueceron da súa cultura, que comparten agora coas novas xeracións.

Con esta actividade preténdese que a poboación de Santa Comba e doutros lugares se animen neste Nadal distinto, Nadal máis caseiro e familiar, a decorar en familia ás súas fiestras a través de pequenos traballos de manualidades e artesanía caseira e a compartir ese acto familiar, a través dunha nova forma de relacións como son as Redes Sociais.

Esta actividade pode ser compartida desde os fogares de moitos xalleiros, tanto os que viven aquí, como os que viven na emigración, e nestas datas non poderán volver para ver as súas familias de Santa Comba.

Entre a mirada e coñecer os sentimentos da xente hai una fina liña, e o que se busca neste concurso é descubrir esas miradas máis expresivas, divertidas ou significativas en pleno tempo de casi non verse as caras.

2.- PARTICIPANTES

Poderán participar neste concurso todas aquelas persoas físicas de 12 anos en diante, que cumpran con estas bases. A participación é totalmente de balde.

Redes sociais (opción preferida): Os participantes poden subir nas súas redes sociais (facebook e Instagram) a súa foto coas etiquetas:

#fiestrasdenadal

#nadalensantacomba

- WhatsApp: Enviar ao número 663 728 968 a súa/s fotografías, e subiranse as redes do Concello de Santa Comba, facebook e Instagram.

3.- TEMA

O tema será: Fotografía de fiestras decoradas con motivos do Nadal.

Os traballos que se presenten deberán ser orixinais e inéditos. Non se admitirán imaxes de montaxes, nin manipulacións que non sexan exclusivamente tratamentos de cor ou axustes de calidade ou procesado da imaxe. As fotografías non terán ningún elemento: sinatura, logo, iniciais,...

No caso de que se presenten ao concurso fotografías con imaxes de persoas físicas, recae sobre o participante toda responsabilidade relacionada co dereito á intimidade e a propia imaxe.





4.- CATEGORÍA

Formato libre, sempre con fotografías interiores ou exteriores con decoración destas festas.
Nesta edición, non se permite video.

5.- Nº DE OBRAS E FORMATO

Cada participante poderá participar cun máximo de 2 traballos, os cales poderán ser en cor ou en branco e negro.

6.- PRAZO DE PRESENTACIÓN.

Poderanse enviar ou etiquetar fotografías entre as 00.00h do día 5 de Decembro ata as 23:59h do día 18 de Decembro.

8.- XURADO E SELECCIÓN DOS MELLORES TRABALLOS.

3 Persoas designadas pola organización, con competencias nos sectores da fotografía, publicidade e redes sociais, seleccionarán 5 dos traballos presentados en base a súa calidade artística, traballo artesán, significación, orixinalidade, iluminación etc.

Eses 5 traballos publicaranse nas redes sociais do Concello de Santa Comba, Facebook e Instagram, o Luns 21 de decembro, e abrirase un prazo ata as 23:00h do 27 de Decembro, para que a xente poida dar "Gústame", "Me gusta" ou "Like" (interaccións positivas, en todo caso) en ámbalas redes.

9.- PREMIOS

A semana que comeza o 28 de Decembro, realizarase o cómputo de interaccións positivas dos 5 traballos candidatos:

Haberá 4 premios, 2 por Rede Social:

Facebook:

1º Premio: 30 € nun vale de Compra no Comercio Local

2º Premio: 20 € nun vale de Compra no Comercio Local

Instagram:

1º Premio: 30 € nun vale de Compra no Comercio Local

2º Premio: 20 € nun vale de Compra no Comercio Local

Os premios entregaranse nunha data a concretar na semana de Reis.

Os premios deberán ser canxeados antes do 15 de febreiro, previa comunicación coa Oficina de Información Xuvenil do Concello de Santa Comba.

10.- RESOLUCIÓN/DEREITOS DO CONCELLO

Todos os traballos presentados pasarán a formar parte dun arquivo creado para uso municipal, e poderán ser expostas e reproducidas co obxectivo expresado nos obxectivos do Concurso.

A participación no concurso supón a aceptación destas bases.

